



the doj & cd

Department:
Justice and Constitutional Development
REPUBLIC OF SOUTH AFRICA

**INCWADANA ENGOKWECANDELO 14:
I-PROMOTION OF ACCESS TO INFORMATION ACT 2
KA-2000 (I-PAIA)**

Iqulunqwe: yiOfisi yeSekela leGosa leNgcombolo
Umnxeba: 012 – 357 8544 / 8961 / 8892
I-imeyile: paia@justice.gov.za

Ihlaziywe ngoSeptemba 2021

OKUQULETHWEYO

	Iphepha
iCandelo 1 – Intshayelelo	3
iCandelo 2 – Isikhokelo sazo zonke iiNcwadana kwiRiphabliki	3
iCandelo 3 – Iinkcukacha zoqhagamshelwano zeGosa leNgcombolo nezamaSekela	3
iCandelo 4 – Ubume beSebe	4
iCandelo 5 – Imisebenzi yamaCandelo amaSebe	5 – 12
iCandelo 6 – Iinkonzo ezinokufunyanwa luluntu nendlela yokuzifumana	13
iCandelo 7 – Indlela yokuyicela ingcombolo	13 – 14
iCandelo 8 – Iindlela zoncendo ezinokufunyanwa ngumceli	14 – 15
iCandelo 9 – Ukuyifumana ngokuzithandela (Iirekhodi ezifumaneka ngokuzenzekelayo)	15 – 18
iCandelo 10 – Ukuhlawulwa kwemirhumo	18 – 19
iCandelo 11 – Ukusetyenzwa kwengcombolo yobuqu	20 – 21
iCandelo 12 – Ukuhlaziywa kwencwadana nokufumaneka kwayo	21

ICANDELO 1 – INTSHAYELELO

Injongo ye *Promotion of Access to Information Act 2 ka-200* (eyaziwa ngokuba yiPAIA) kukuphumeza ilungelo elikuMgaqo-siseko lokufumana nayiphi na ingcombolo ekuRhulumente, kwakunye nengcombolo ekomnye umntu efunekayo ukuze umntu asebenzise ilungelo elithile okanye elikhusele.

Intsusa yokuphumeza ilungelo lokufumana ingcombolo kukukhuthaza ukwenza izinto elubala nokuba aphenjule amaqumrhu karhulumente nazimeleyo, nokukhuthaza ukuba uluntu lwaseMzantsi-Afrika lukwazi ukuyifumana ingcombolo oluyifunayo ukwenzela ukuba luwasebenzise kwaye luwakhusele ngakumbi amalungelo alo.

Isiqendu 14 sePAIA sithi iqumrhu elilelikarhulumente, njengeSebe loBulungisa noPhuhliso loMgaqo-siseko, kufuneka liqulunqe incwadana. Incwadana leyo kufuneka inike iinkcukacha zeGosa leNgcombolo (nezamasekela alo xa zikho), ixele nobume bequmrhu elo, imisebenzi yalo neerekhodi zalo.

Injongo yencwadana kukunika ingcombolo eza kunceda umntu ayiqonde imisebenzi yequmrhu likarhulumente neerekhodi eziginwe lilo. Xa exhobe ngaloo ngcombolo umntu uza kuzazi iirekhodi azifunayo nenkqubo amakayilandele yokucela ukuzifumana ezo rekhodi.

ICANDELO 2 – ISIKHOKELO SAZO ZONKE IINCWADANA KWIRIPHABLIKHI

Umlawuli-Ngcombolo upapashe esi sikhokelo ngendlela efunwa sisiqendu 10 sePAIA.

Esi sikhokelo sifumaneka kwiiofisi zoMlawuli-Ngcombolo.

Idilesi yesitrato

JD House
27 Stiemens Street,
Braamfontein,
Johannesburg

Idilesi yeposi

P.O Box 31533;
Braamfontein,
Johannesburg,
2017

Umnxeba: +27 (0) 10 023 5200

I-imeyile: inforeg@justice.gov.za

Iwebsayithi: <https://www.justice.gov.za/inforeg/contact.html>

ICANDELO 3 – IINKCUKACHA ZOQHAGAMSHELWANO ZEGOSA LENGCOMBOLO NEZAMASEKELA

Idilesi yesitrato

Momentum Building
329 Pretorius Street
Pretoria

Idilesi yeposi

Private Bag x81
PRETORIA
0001

IGOSA LENGCOMBOLO

NguMlawuli-Jikelele: Gqw. Doctor Mashabane

I-imeyile: DocMashabane@justice.gov.za,

AMASEKELA EGOSA LENGCOMBOLO

Gqw. Witness Ndou (uMlawuli – kwiCANDELO LE-PAIA)
Gqw. Daniel Seopa (iGosa Elikhulu Lolawulo-Micimbi Yomthetho)

Cell: 082 898 7289

Cell: 072 995 6417

Umnxeba: +27 12 357 8892/ 8544/ 8961

Ifeksi: +27 12 315 4837

I-imeyile: paia@justice.gov.za

Ukuchazwa kwemisebenzi:

AmaSekela eGosa leNgcombolo, esalathiswa liGosa leNgcombolo, aqinisekisa ukuba iyasetyenziswa iPAIA liSebe loBulungisa noPhuhliso loMgaqo-siseko, kwayeanceda nabani na othi, ngokwePAIA, afune ukufumana ingcombolo eginwe liSebe.

uMphathiswa

Mnu. R Lamola

uSekela-Mphathiswa

Mnu. J Jeffery

iOfisi yoMlawuli-Jikelele

Gqwetha D Mashabane

iOfisi yeGosa eliyiNtloko leMisebenzi

Akukho mntu

ISEBE

Kucetyiswa uRhulumente Ngomthetho

Nksz. S Masapu (ubambele)

ISEBE

Ukuphuculwa Kwemithetho Yepalamente

Nksz. K Pillay

ISEBE

Ukuphuhliswa KoMgaqo-siseko

Gqw. O Sewpaul (ubambele)

ISEBE

IGqwetha-Jikelele

Mnu. F Pandelani (obambeleyo)

ISEBE

uMgcini-Mafa weNkundla Ephakamileyo

Gqw. MM Mafojane

ISEBE

Iinkonzo Zeenkampani

Nksz. TC Mametja

ICANDELO 5 – IMISEBENZI YAMACANDELO AMASEBE (*isaqwalaselwa*)

ICANDELO	IMISEBENZI
<p><u>I-Ofisi yoMlawuli-Jikelele</u> uMlawuli-Jikelele</p>	<p>ICandelo eliyiNtloko: Ukunxibelelana nabachaphazelekayo</p> <ul style="list-style-type: none"> - Ukuphathwa nokunxibelelaniswa kwemisebenzi yolawulo, unxibelelwano nabasebenzi baseofisini ukuya kumaqumrhu angaphandle/abaxumi abanjengamaqumrhu eSahluko 9, iNdibaniselwano yeIRPS, iNdibaniselwano yoBulungisa, iKomiti yePalamente. - Ukunika iinkonzo zokuncedisa kulawulo kwiOfisi yoMlawuli-Jikelele. <p>ICandelo eliyiNtloko: Ukuphicothwa kwangaphakathi</p> <ul style="list-style-type: none"> - Ukuphicothwa kwezimali nemisebenzi. - Ukuphicothwa kweziphumo zophicotho nophando - Ukuphicothwa kweekhomyutha - Ukuphicothwa kokwenziwa kwezinto ngendlela yomthetho. - Ukuphicothwa kokuba wenziwe kusini na umsebenzi. - Ukwenziwa kwengxelo ngeziphumo zophicotho. - Ukuphathwa okupheleleyo kwephulo lokuphicotha.
<p><u>Ukucebisa uRhulumente ngoMthetho</u> UMcebisi kaRhulumente oyiNtloko kwezoMthetho</p>	<p>I-Ofisi yoMcebisi oyiNtloko kaRhulumente kwezoMthetho</p> <ul style="list-style-type: none"> - Ukubhalwa kwemithetho yepalamente nokukhutshelwa kwayo isiqinisekiso sokufaneleka. - Ukuguqulelwa kwemithetho yepalamente kwezinye iilwimi. - Ukubhalwa kwamacebiso omthetho. - Ukuphicothwa . - Ukuphicothwa nokukhutshelwa isiqinisekiso kwemimiselo eseluvavanyo. - Ukuqwalaselwa nokuqinisekiswa kwemithetho yoomasipala. - Ukucubungulwa kwezigqibo zeNkundla yoMgaqo-siseko nokwenziwa kwezindululo ezibhekiswa kuRhulumente. - Ukuncedisa oomasipala ekubhaleni imithetho yabo. - Ukuqeqeshelwa ukubhala imithetho yepalamente kwabangaphakathi nakwabangaphandle.
<p><u>Ukuphuculwa kweMithetho yePalamente</u> iSekela loMlawuli-Jikelele</p>	<p>iCandelo eliyiNtloko: Ukuphuculwa kweMithetho yePalamente</p> <ul style="list-style-type: none"> - Ukuphanda ngemithetho yepalamente nangemimiselo ize iphuculwe. - Ukuqwalasela ngokutsha imithetho yepalamente ekhoyo nemimiselo nokwenza utshintsho kuyo. - Ukucebisa uMphathiswa malunga nemithetho yepalamente ephathelene nomsebenzi wesebe. - Ukuqwalasela ngokutsha kwemirhumo malunga nokusingathwa kwemithetho. - Ukwazisa iKomiti zePalamente ngemithetho yepalamente ecetywayo nokuzancedisa iikomiti ekwenzeni utshintsho kwimithetho ecetywayo. <p>iCandelo eliyiNtloko: Abasebenzi beKomishoni yoMzantsi-Afrika Yokwenza iiNguqu kwiMithetho</p> <ul style="list-style-type: none"> - Ukuyinceda ngabasebenzi iKomishoni yoMzantsi-Afrika Yokwenza iiNguqu kwiMithetho

	<ul style="list-style-type: none"> - Ukwenza uphando ngemithetho, nokuthelekisa nemithetho yamanye amazwe, ngenjongo yokwenza izindululo ngenguqu emayenziwe emithethweni. - Ukuncedisa iBhodi yeMithetho ngabasebenzi.
--	---

ISEBE	IMISEBENZI
<u>uMgcini-Mafa weNkundla Ephakamileyo</u> uMgcini-Mafa oyiNtloko	<p>Amafa abantu abaswelekileyo</p> <ul style="list-style-type: none"> - Uliliso ekusingathweni kwamafa abantu abaswelekileyo ukuqinisekisa ukuba iqosheliswa ngendlela eyiyo imicimbi yemali yabangasekhoyo nokuthi ayakhuseleka amalungelo abo basaphilayo abamele baxhamle. <p>Ukuthengiswa kwempahla yenkampani etshonileyo (Impahla yenkampani etshonileyo)</p> <ul style="list-style-type: none"> - Uliliso ekusingathweni kwamafa eenkampani ezihlwempuzekileyo ukuqinisekisa ukuba aphantsi ngokwe <i>Insolvency Act 24 ka-1936</i>, nangona loo mafa edla ngokusingathwa ziingcaphephe eziyaziyo imisebenzi emayenziwe neenkqubo emazilandelwe. <p>Ukusingathwa kwempahla yokuphathiswa</p> <ul style="list-style-type: none"> - Omnye wemisebenzi eyenziwa yiOfisi yoMgcini-Mafa kukugcina amaxwebhu empahla yokuphathiswa, ukukhupha iileta izinike abachongelwe ukuphathiswa impahla yomntu, kwaye yongamela ukusingathwa kwempahla yokuphathiswa. Ukusingathwa kwempahla yokuphathiswa kulawulwa koko kutshiwo yi <i>Trust Property Control Act 57 ka-1988</i>. <p>Abanonopheli bempahla yomnye umntu</p> <ul style="list-style-type: none"> - Uliliso ekusingathweni kwemicimbi yabantu abampahla yabo iphantsi kolawulo lomnye umntu, ngezizathu ngezizathu. <p>iNgxowa-Mali Yabangafumanekiyo</p> <ul style="list-style-type: none"> - Ukusingathwa kweNgxowa-Mali Yabangafumanekiyo, eyadalelwa ukugcina iimali ezisiwa kuMgcini-Mafa egameni labantu ngabantu abaziwayo okanye abangaziwayo, umzekelo, abantwana, abantu abangakwaziyo ukuzisingathela imicimbi yabo, iindlalifa ezingekazalwa, abantu abalahlekileyo okanye abangekhoyo okanye abantu abachaphazelekayo kwiimali zelungelo lokusetyenziswa komhlaba womnye umntu.
I-Ofisi yeGqwetha-Jikelele IGqwetha-Jikelele	<p>iCandelo eliyiNtloko: iGqwetha-Jikelele</p> <ul style="list-style-type: none"> - Unxibelelanisa zonke iiOfisi zamaGqwetha kaRhulumente. - Ukunxibelelaniswa nokusingathwa kwawo onke amatyala ekumangalelwe kuwo uRhulumente. - Ukuqulunqwa nokusetyenziswa kwemigaqo-nkqubo emalunga— <ul style="list-style-type: none"> ▪ nokunikwa kwamagqwetha eejaji umsebenzi; ▪ ukukhutshelwa ngaphandle komsebenzi omalunga nomthetho, kuquka nokucelwa kwamagqwetha akomnye ummandla okude. ▪ Ukuqaliswa kokumangala, ukuzithethelela ekumangalelweni, nokuchaswa kwamanyathelo omthetho. ▪ Ukusetyenziswa kweendlela ezizezinye zokusombulula imbambano ezingekuko ukuya enkundleni xa kumangalelwa uRhulumente, emazithotyelwe ngabo bonke abantu abaqeshwe kwiOfisi yamaGqwetha kaRhulumente.

	<p>iCandelo eliyiNtloko: iiNkonzo zoMthetho</p> <ul style="list-style-type: none"> - Ukudalwa kwendlela ephumelelayo yokwenza izinto emthethweni. - Ukukhuthaza intsebenziswano phakathi kweRiphabliki yaseMzantsi-Afrika namanye amazwe ngenjongo yokuphucula imithetho yepalamente yokwenzelana izinto, ukuqulunqwa kwezivumelwano zamazwe ngamazwe okuya kwenza ukuba kuqhutywe ngendlela efanayo ekusebenziseni ubulungisa. <p>iCandelo eliyiNtloko: iMisebenzi</p> <ul style="list-style-type: none"> - Ukuphatha ngendlela esemgangathweni neyolawulo. - Ukubeka esweni nokulawula ukusetyenziswa kwesicwangciso sokusebenza esichuliweyo. - Ukuhlolwa nokusetyenziswa kwenkqubo yokuphatha esemgangathweni.
--	---

ICANDELO	IMISEBENZI
<p><u>Ukuphuculwa koMgaqo-siseko</u> ISekela loMlawuli-Jikelele</p>	<p>iCandelo eliyiNtloko: iiNkonzo zamaGqwetha kaRhulumente</p> <ul style="list-style-type: none"> - Ukubhalwa kwezivumelwano nokusingathwa kwazo egameni likaRhulumente. - Ukusingathwa kwamatyala olwaphulo-mthetho nawembambano apho kumangalelwe amagosa kaRhulumente - Ukusingathwa kwezicelo zabantu abafanelekayo ukuba bamkelwe njengamagqwetha asezijajini kwiNkundla Ephakamileyo. - Ukusingathwa kwezicelo zokwamkelwa njengamagqwetha. - Ukulawulwa nokubekwa esweni kokuziphatha kwamagqwetha azimeleyo asebenza ngokwe <i>State Attorney Act</i>. <p>iCandelo eliyiNtloko: Ukuphuhlisa koMgaqo-siseko</p> <ul style="list-style-type: none"> - Ukwenza uphando ngokusetyenziswa koMgaqo-siseko waseMzantsi-Afrika njengofanelekileyo koko iSebe elimele likwenze. - Ukomeleza intando yesininzi esekelwe kuMgaqo-siseko nokuhlonelwa kwamalungelo asisiseko oluntu nemigaqo yokuphila. - Ukuqinisekisa ukukhuselwa kwamalungelo abantu beLGBTI, abantu abaneziphene, amaxhoba okuthengiswa kwabantu kunye nabantu abaphila neHIV/AIDS ngaphakathi kwinkqubo yobulungisa. - Ukunxibelelanisa, ukukhuthaza nokusebenzisa amaphulo okuxhasa ubulungisa basentlalweni ngokubanzi, ingakumbi kuqubiswa nocalulo, ubuhlanga nokucatshukelwa kwabemi bamanye amazwe. - Ukunxibelelanisa, ukukhuthaza nokusebenzisa amaphulo okuxhasa ukuba ngabemi abakhuthaleyo nokuthabatha inxaxheba kwimicimbi yentando yesininzi. - Ukusingatha nokufeza iimbopheleleko ezingokomthetho zamazwe ngamazwe egameni leSebe. - Ukuba nenxaxheba nokuba negalelo kumaqonga amazwe amaninzi amazwe ngamazwe ngokuvumelana noMgaqo-siseko. - Ukunxibelelanisa ukwenziwa kwengxelo ngokwenza okufunwa ngamaqumrhu ezivumelwano zamazwe ngamazwe, ukwenza

lula nokunxibelelanisa ukwenza okufunwa kukuthunyelwa kweli lizwe kwabarhanelwa abakwamanye amazwe nazizivumelwano zokuncedana kwimicimbi yomthetho.

- Ukusebenzisa, ukunxibelelanisa, ukubeka esweni nokwenza ingxelo ngezindululo zeTRC ezivunye yiPalamente zokuba negalelo ekukhuthazeni ubunye besizwe nokuxolelana.

iCandelo eliyiNtloko: Ubulungisa basentlalweni nentando yesininzi yokuthabatha inxaxheba

- Ukomeleza intando yesininzi esekelwe kuMgaqo-siseko nokuhlonelwa kwamalungelo oluntu asisiseko nemigaqo yokuphila.
- Ukunxibelelanisa, ukukhuthaza nokusebenzisa amaphulo okuxhasa ubulungisa basentlalweni ngokubanzi, ngakumbi ukuqubisana nocalulo, ubuhlanga nokucatshukelwa kwabantu bamanye amazwe.
- Ukunxibelelanisa, ukukhuthaza nokusebenzisa amaphulo okuxhasa ukuba ngabemi abakhuthelweyo nokuthabatha inxaxheba kwintando yesininzi.

iCandelo eliyiNtloko: Ubudlelwane obungokomthetho namazwe ngamazwe

- Ukuqhagamshelana okuthe rhoqo namazwe akumazantsi eAfrika.
- Ukunxibelelanisa imicimbi yamazwe eCommonwealth malunga nokusingathwa kobulungisa.
- Ukusebenzelana namanye amaqumrhu amazwe ngamazwe anjengeZizwe Ezimanyeneyo, iNkomfa yaseHague neInternational Institute for the Unification of Private Law.
- Ukusebenzelana namanye amazwe angaphandle kommandla wamazantsi eAfrika .
- Ukuthetha-thethana namanye amazwe okanye namaqumrhu ehlabathi ngezivumelwano zokuthunyelwa kwabarhanelwa kweli nokuncedana kwiingxaki zomthetho.
- Ukulungisa amaxwebhu eKhabhinethi nawePalamente okwamkelwa kwezivumelwano zamalungelo oluntu, kuquka ukubhalwa kwengxelo.
- Ukusebenza izicelo zokuthunyelwa kwabarhanelwa kweli, ezokuncedana kwiingxaki zomthetho kumatyala olwaphulo-mthetho, kwizicelo zokunikwa kobungqina komntu ekude nokusiwa kwamaxwebhu omthetho ebantwini.
- Ukusebenza izicelo zesondlo ngokwe*Reciprocal Enforcement of Maintenance Orders Act* 80 ka-1963.

iCandelo eliyiNtloko: Ukusetyenziswa koMgaqo-siseko

- Ukomeleza intando yesininzi engokoMgaqo-siseko nokuhlonelwa kwamalungelo oluntu asisiseko, iinkululeko nemigaqo ekuphilwa ngayo.
- Ukuqinisekisa ukukhuselwa kwamalungelo abantu beLGBTI, abantu abaneziphene, amaxhoba okuthengiswa kwabantu nabantu abaphila neHIV/AIDS ngaphakathi kwinkqubo yobulungisa.
- Ukwenza uphando ngokusetyenziswa koMgaqo-siseko waseMzantsi-Afrika njengofanelekileyo kumsebenzi omawenziwe liSebe.

iCandelo eliyiNtloko: Ukwenziwa kophando ngoMgaqo-siseko nokuqwalaselwa kwawo ngokutsha

- Ukwenza uphando ngoMgaqo-siseko waseMzantsi-Afrika

	<p>iCandelo eliyiNtloko:</p> <ul style="list-style-type: none"> - Ukunxibelelaniswa kokuncedwa kwamaxhoba, ukulungiswa kwezimilo, amaphulo embuyekazo nokunikwa kweenkonzo zomthetho. - Ukuqhagamshelana namasebe karhulumente, icandelo lamashishini azimeleyo namanye amaqumrhu achaphazelekayo kwinkqubo yeTRC. - Ukunikwa kweenkonzo zolawulo jikelele nokuncediswa ngemali kumaphulo eTRC.
<p><u>I-Ofisi yeGosa eliyiNtloko leMisebenzi</u> iGosa eliyiNtloko leMisebenzi (akukho mntu)</p>	<p>iCandelo eliyiNtloko: Ukusingathwa kwamaphulo nokuncediswa ngolawulo</p> <ul style="list-style-type: none"> - Ukubeka esweni amaphulo nokuncedisa iGosa eliyiNtloko leMisebenzi ngophononongo . - Ukuqulunqela isebe isicwangciso sokuphucula ukuhanjiswa kweenkonzo. - Ukuthi gqi nezicwangciso nokubeka esweni ukusetyenziswa kwazo malunga nezindululo zeSCOPA nezoMphicothi-zimali-Jikelele. - Ukwenza neminye imisebenzi yolawulo ngokwendlela eliphathiswe ngayo. - Ukunxibelelanisa nokuqulunqa ingcombolo echuliweyo yamashishini ngamashishini ngokwemigaqo yemali nokuthengwa kwezinto, necandelo lokuqeshwa kwabasebenzi. <p>iCandelo eliyiNtloko: Ukubekwa esweni nokuhlolwa kwesicwangciso esichuliweyo</p> <ul style="list-style-type: none"> - Ukuphathwa kokusetyenziswa kwesicwangciso nokuncediswa kwabaphathi. - Ukuphathwa kweenkonzo zokuxhaswa kwezigqibo. - Ukuphathwa kokusetyenziswa nokubekwa esweni ngomgangatho ophezulu. - Ukubekwa esweni nokuhlolwa kokwenziwa komsebenzi ziinkundla nezinye iinkonzo zobulungisa. <p>iCandelo eliyiNtloko: Ukulawulwa kwemeko enobungozi nokhuseleko</p> <ul style="list-style-type: none"> - Ukulawulwa kokukhuseleka kwesebe nokulingana. - Ukubekwa esweni kwendlela yesebe yokuqokelela izakhono. - Ukunika iinkonzo eziphumelelayo zokulawula imeko enobungozi. - Ukuphicotha nokuphanda.

ICANDELO	IMISEBENZI
<p><u>Iinkonzo zeeNkundla Isekela-Mlawuli-Jikelele</u></p>	<p>iCandelo eliyiNtloko: Iinkonzo zocwangciso nokuncedisa.</p> <ul style="list-style-type: none"> - Ukuthi gqi namacebo okusebenza nemigaqo-nkqubo echaphazela ukusebenza kweenkundla. - Ukusingathwa kwengcombolo emalunga neenkundla. - Ukucwangciswa kolwabiwo-mali nokulawulwa kwemeko enobungozi. - Ukulawulwa kokumiselwa ngokuvumelana nomthetho wepalamente.

	<p>iCandelo eliyiNtloko: Ukukhuthaza ukukhuselwa kwamalungelo abantu abazisisulu</p> <ul style="list-style-type: none"> - Ukuthi namaphulo okukhuthaza ukukhuselwa kwamalungelo abantu abazisisulu ukuqinisekisa ukulawulwa kwabasebenzisi beenkonzo. - Ukusetyenziswa kwenkqubo yobulungisa yabantwana ngokuvumelana nemithetho yepalamente emalunga nobulungisa kubantwana. <p>iCandelo eliyiNtloko: Ukusebenza kweenkundla</p> <ul style="list-style-type: none"> - Ukukulawula ngempumelelo ukusebenza ngokutyibilikayo kweenkundla eziphakamileyo, ezengingqi nezesithili - Ukukubeka esweni nokukuphonononga ukusebenza kweenkundla neenkonzo zobulungisa. <p>iCandelo eliyiNtloko: Ukuphuculwa komgaqo-nkqubo wokuchotshelwa kwamatyala</p> <ul style="list-style-type: none"> - Ukuqaliswa, ukulungelelaniswa nokuphuculwa komgaqo-nkqubo omalunga nendlela achotshelwa ngayo amatyala - Ukukubeka esweni nokukuphonononga ukusebenza kakuhle kwemigaqo-nkqubo ekhoyo. - Ukunika uncedo lokuncedisa ekuchotshelweni kwamatyala. <p>iCandelo eliyiNtloko: iGqwetha leeNtsapho</p> <ul style="list-style-type: none"> - Ukunika iinkonzo zokucebisa ngomthetho kwimicimbi yeentsapho (umz, kuqhawulo-mtshato, ukuthi abantwana mababe kubani emva koqhawulo-mtshato, nokondliwa kwabo, njl). - Ukwenziwa kophando ngezona ndlela zizizo zokunceda xa kusenziwa isigqibo ngokuphuculwa nokuhlaziywa kwemigaqo-nkqubo nemithetho yepalamente engemicimbi yeentsapho. <p>iCandelo eliyiNtloko: iiofisi zeengingqi</p> <ul style="list-style-type: none"> - Ukuthi gqi nemigaqo-nkqubo yokusebenza namacebo nokuwasebenzisa ezinkundleni nokunxibelelaniswa kwabachaphazelekayo. - Ukuthi gqi nemilinganiselo yokusebenza yeenkundla nokubekwa esweni kokusebenza kweekundla. - Ukubalaseliswa komgaqo-siseko, ukuphuculwa komgaqo-siseko nemithetho yepalamente nokomelezwa kokuthabatha inxaxheba kwiinkqubo zentando yesininzi. - Ukunika iinkundla izicwangciso nolawulo olululo. - Ukuthi gqi namaphulo akhethekileyo nokuwabeka esweni ngenjongo yokubalaselisa amalungelo abantu abazisisulu. - Ukunika iinkonzo zamagqwetha eentsapho. - Ukunika iinkonzo ezaneleyo, ngokukhuselekileyo nekulula ukuzisebenzisa.
--	---

ISEBE	IMISEBENZI
<u>linkonzo zeeNkampani</u>	<u>Ukulawulwa kweenkqubo zokwazisa</u>

iCandelo eliyiNtloko: Ukulawulwa kwenkqubo nokuphuculwa kwako

- linkqubo zemali ezingqalileyo kwiSebe.
- linkqubo zoshishino ezingqalileyo kwiSebe.
- Unxibelelwano olungqalileyo lwezi mini kwiSebe.

iCandelo eliyiNtloko: Ukulawulwa okuchuliweyo

- Ukulawula ukuyilwa nokuphuculwa kweenkqubo ezizisebenzelayo kwiSebe nakwamanye ahlobene nalo.
- Ukulawula ukulawulwa kweenkqubo kwiSebe nakumasebe ahlobene nalo.

Icandelo eliphethe imicimbi yabasebenzi

iCandelo eliyiNtloko: iMigaqo-nkqubo yokuphathwa kwemicimbi yabasebenzi

- Ukunika ezona ndlela zokusebenza zizizo
- Ukulawula nokunxibelelanisa ukuphuculwa kwayo yonke imigaqo-nkqubo yemicimbi yabasebenzi, iinkqubo neendlela zokusebenza
- Ukulawula, ukubeka esweni nokuphonononga ukulandelwa kwemigaqo yokuphathwa kwemicimbi yabasebenzi .
- Ukulawula nokwenza lula ubudlelwane besebe labasebenzi nabantu bangaphandle.

iCandelo eliyiNtloko: iZiko Lokuphathwa Kwemicimbi Yabasebenzi

- Ukulawula nokwenza lula ukunikwa kweenkonzo zokuncedisa icandelo labasebenzi ukuya ekusebenzeni kwamasebe/iiofisi.
- Ukunxibelelanisa nokubeka esweni ukusetyenziswa kwamacebo ecandelo labasebenzi.
- Ukwenza icandelo labasebenzi likholeleke kumasebe/kwiiofisi.

Imfundo nonxibelelwano noluntu

iCandelo eliyiNtloko: iinkonzo zonxibelelwano neenkampani

- Ukulawulwa kweenkonzo zangaphakathi zonxibelelwano neelwimi
- Ukunikwa kweenkonzo zangaphakathi zonxibelelwano neelwimi
- Ukunikwa kweenkonzo zokufundiswa koluntu nonxibelelwano.
- Ukunikwa kophando lwamajelo eendaba neenkono zonxibelelwano.
- Ukunxibelelwaniswa kweenkqubo zamasebe kumajelo eendaba.

iCandelo eliyiNtloko: iJustice College

- Iqinisekisa ukufumana iMfundo Nokuphuculwa komgangatho ophezulu.
- Ukuxhobisa abafundayo.
- Ivelisa izifundo ngenjongo yokuphucula abasebenzi basebenze ngendlela esemgangathweni.
- Inika izifundo zomthetho ezifanelekileyo njengenxalenye yecebo lokuphucula.
- Iqinisekisa ukuba izakhono zabasebenzi beSebe ziyaphuculwa ukuxhasa iindlela zokusebenza kweSebe.

ICANDELO	IMISEBENZI
	<p><u>i-Ofisi yeGosa leZimali eliyiNtloko</u></p> <p>iCandelo eliyiNtloko: linkonzo zonaniselwano ngemali nengxelo ngayo</p> <ul style="list-style-type: none"> - Ukulawulwa kwemivuzo nokuhlawulwa kwezinto-yinto kwisebe. - Ukuqinisekisa ukwenziwa konaniselwano ngemali nokwenza ingxelo. <p>iCandelo eliyiNtloko: Ukuphathwa kwezimali zokuphathiswa</p> <ul style="list-style-type: none"> - Ukulawulwa kwezimali zokuphathiswa - Ukulawulwa kwemisebenzi yokuphathwa kwezimali zokuphathiswa (umz, ibheyile, isondlo, iifayini, iimali zamagqwetha karhulumente neentlawulo ezenziwa luluntu, njl). <p>iCandelo eliyiNtloko: Ulwabiwo-mali, ukuthengwa kwezinto nokuncediswa kwizigqibo</p> <ul style="list-style-type: none"> - Ukulawulwa kolwabiwo-mali, ukuncediswa kwizigqibo. - Ukunikwa iinkonzo eziphumelelayo zokuncedisa kulwabiwo-mali. - Ukuncedisa iGosa eliyiNtloko leZimali ekusingatheni umsebenzi wezimali. - Ukusingathwa kolwabiwo-mali lwangaphakathi, ukunika amacebiso nokwalathisa nokongamela umsebenzi wokubala iindleko. <p>iCandelo eliyiNtloko: Ukubala iindleko</p> <ul style="list-style-type: none"> - Ukwenza isigqibo ngamathuba okubala iindleko. - Ukuphicotha ifuthe lemimisele elawula izinto. - Ukwenza isigqibo ngeendlela namacebo okubala iindleko. - Ukuqinisekisa ukudityaniswa kokubalwa kweendleko zemali neendlela zokukusebenzisa. - Ukunika icebiso ngokufunyaniswe kubalo-zindleko. <p>iCandelo eliyiNtloko: Unikezelwano</p> <ul style="list-style-type: none"> - Ukulawulwa nokunikwa kweenkonzo zokuthenga nokufuna. - Ukusingathwa kwamalungiselelo, neenkonzo zokuxhobisa nempahla yesebe. - Ukulawulwa kokwenziwa komsebenzi wonikezelwano nokunikwa koncedo lomthetho. <p>iCandelo loMthetho: Ukulawulwa kwezinto zomsebenzi</p> <ul style="list-style-type: none"> - Ukulawulwa kwesicwangciso semisebenzi emikhulu neziseko. - Ukulawulwa kwepropathi. <p>iCandelo eliyiNtloko: Ukufumana ingcombolo nokugcinwa kweerekhodi</p> <ul style="list-style-type: none"> - Ukugcinwa kweerekhodi, oovimba neenkonzo zamathala eencwadi. - Ukunikwa kweenkonzo zokuncedisa iiofisi kwiOfisi yeZwelonke. - Ukusingathwa nokusetyenziswa kwePAIA liSebe. - Ukunika isikhokelo kwimicimbi emalunga nokufumana ingcombolo.

ICANDELO 6 – IINKONZO EZINOKUFUNYANWA LULUNTU NENDLELA YOKUZIFUMANA

<p>uMgcini-mafa weNkundla Ephakamileyo</p> <ul style="list-style-type: none"> – Amafa ashiywe ngabaswelekileyo – Imiyolelo ebhaliweyo yelifa / ulwabiwo-mafa lwabangashiyanga myolelo – uVimba Wamafa Angenamnini – Ukusingathwa kwempahla yokuphathiswa – Imicimbi yabangakwaziyo ukuhlawula amatyala – Abacelwe ukuba basingathe imicimbi yabanye 	<p>linkonzo ziyafumaneka kwiOfisi yoMgcini-mafa okufuphi</p>
<p>iGqwetha Lemicimbi Yemizi</p> <ul style="list-style-type: none"> – Isondlo 	<p>linkonzo ziyafumaneka kwiNkundla kaMantyi ekufuphi</p>
<p>iCandelo: Inkqubo yomthetho</p> <ul style="list-style-type: none"> – Ukucinywa kwerekhodi yolwaphulo-mthetho 	<p>linkonzo ziyafumaneka kwiOfisi yeZwelonke – ukufumana ingcombolo ebhekele phaya ungabuzisa nakuyiphi na iOfisi yeSebe okanye uye kwiwebsayithi yeSebe</p>

ICANDELO 7 – INDLELA YOKUCELA INGCOMBOLO

1. Isicelo

- Isicelo sokufumana ingcombolo masenziwe ngokubhala ngokuzalisa ifom yesicelo (“iFom 2”) (ifom leyo iyafumaneka usakuyicela kwiSekela leGosa leNgcombolo okanye kwiwebsayithi yeSebe ethi www.justice.gov.za/paia/paia.htm.
- Ngenisa i-“Fom 2” kwiSekela leGosa leNgcombolo ngokuyithumela nge-imeyile ethi paia@justice.gov.za okanye ngedilesi yeGosa leNgcombolo.
- Kuhlululwa “umrhumo wokucela” oli-R100 – malunga nokuhlululwa, jonga isiqendu 6 ngezantsi.

Qaphela – isicelo asiyi kusetyenzwa xa “umrhumo wokucela” ungekahlawulwa.

2. Izicelo zomlomo

Izicelo ezingenziwanga ngokubhala azichaswanga; ngoko ke

- Umceli ongakwaziyo ukufunda okanye ukubhala angasenza isicelo ngomlomo; siya kuthi ke eso sicelo sibhalwe size sisetyenzwe – iSekela leGosa leNgcombolo liza kuncedisa.
- iGosa leNgcombolo okanye iSekela leGosa leNgcombolo linyanzelekile ukuba lincede nawuphi na umceli othi abe nobunzima ekwenzeni isicelo sokufumana sokufumana ingcombolo.

3. Ukufumana ingcombolo ngokwakho

Kukho ingcombolo anokuthi umntu ayifumane engazalisanga fom yesicelo (engu-“Fom 2”) konke-konke.

- Ingcombolo efumaneka ngokuzenzekelayo iza kwenziwa ifumaneke kwiifisi zeSebe okanye ngohlobo okanye ikubume obufunwa ngumceli, umzekelo, nge-imeyile okanye ngeposi, njl (apho kunokwenzeka khona).
- Indlela yokuyifumana iquka ukuyifunda, ukwenza ikopi yerekhodi okanye ukukhutshelwa kwayo ephepheni (ukuba kufuneka ngolo hlobo).
- Kusengafuneka kuhlululwe umrhumo ngezinye iirekhodi eziceliweyo.

Qaphela – ukuze ufumane uludwe lweerekhodi ezifumaneka ngokuzenzekelayo, jonga kwi**Candelo 9** lale ncwadana.

4. Isigqibo

IGosa leNgcombolo okanye iSekela leGosa leNgcombolo lisengasikhaba isicelo sokufumana ingcombolo xa iPAIA imvumela ukuba enze njalo.

I-PAIA ibeke izizathu ezithile (kwisiqendu 7, 12 nakwiSahluko 4 sePAIA) ekunokuthi ngazo isicelo sikhatywe, ezo zizathu ke ziquka ezi:

- Iirekhodi ezicelelwe ukuxoxwa kwetyala lolwaphulo-mthetho okanye elembambano emva kokuba liqalile ityala;
- Ukuthiwa pahaha kwerekhodi kuya kubangela ukumangalelwa ngenxa yokudandalaziswa kweemfihlo zomnye umntu kusaphulwa isivumelwano ebesenziwe naye;
- Ukuyithi pahaha kungabeka esichengeni ubomi okanye ukukhuseleka komntu;
- Ukuthiwa pahaha kwerekhodi kungabeka esichengeni ukuzithethelela, nokukhuseleka kwelizwe nobudlelwane balo namanye amazwe;
- Ukuthiwa pahaha kwerekhodi kungenzeka kubeke esichengeni kanobom uqoqosho nemeko yemali yelizwe;
- Iirekhodi zoluvo, icebiso, ingxelo okanye isiphakamiso, ukubonisana, ingxoxo, kuquka namanqaku entlanganiso, ngenjongo yokukulunqa umgaqo-nkqubo okanye isigqibo.

IGosa leNgcombolo okanye iSekela leGosa leNgcombolo kufuneka limazise umculi ngesigqibo zingekapheli iintsuku ezingama-30 zekhalenda, limazisa nokuba siphumelele kusini na isicelo okanye asiphumelelanga.

5. Ukunika imvume yokuyifumana

- Umceli kufuneka abonise ukuba ufuna ukuyifumana ikweyphi imeko okanye ubume.
- ISebe liza kuzama ukumnika umntu ingcombolo ikubume abucelileyo ngaphandle kokuba oku kuza kuphazamisa ukusebenza kwalo ngokutyibilikayo.
- Kananjalo liza kucinga ngokulondolozwa kwerekhodi nangokwaphulwa komthetho wokukopisha.
- Kuhlawulwa “umrhumo wokuyifumana” wokuyikhangela, ukuyilungisa, nokuyivelisa irekhodi eceliweyo – jonga kwi**Candelo 9** lale ncwadana.

Qaphela – ngaphandle kokuba umntu uyafaneleka ukuba angahlawuliswa, irekhodi ayiyi kuthunyelwa kumceli engekahlawuli “umrhumo wokuyifumana”.

6. Iindlela zokuhlalwula

- Kuhlawulwa ngemali iyimali (okanye ngekhadhi ukuba umatshini wekhadi uyafumaneka) kuyo nayiphi na iOfisi yeSebe okanye kwiNkundla kaMantyi; okanye
- Ifakwe kwiakhawunti yebhanki yeSebe.

iBhanki: Standard Bank

iNombolo yeAkhawunti: 010147136

Ikhawudi yeSebe: 010045

Uhlobo lweakhawunti: Department of Justice & Constitutional Development Vote Account Deposits

Imbekiselo: 7/6/9 Ifani kunye noonobumba bokuqala bomceli

ICANDELO 8 – IINDLELA ZONCEDO EZINOKUFUNYANWA NGUMCELI

Ukuba umntu akanelisekanga sisigqibo seGosa leNgcombolo okanye seSekela leGosa leNgcombolo, umntu unelungelo—

- lokufaka isibheni sangaphakathi kuMphathiswa; aze ukuba akanelisekanga sisigqibo soMphathiswa, unokukhetha phakathi kokuba
- akhalaze kwiGosa leNgcombolo; okanye
- acele uncedo enkundleni.

1. Isibheni sangaphakathi

- Isibheni sangaphakathi masifakwe kwigunya elifanelekileyo, elinguMphathiswa woBulungisa neeNkonzo zoLungiso-similo;
- Masifakwe zingekapheli iintsuku ezingama-60 senziwe isigqibo seGosa leNgcombolo okanye seSekela leGosa leNgcombolo;
- Umntu makazalise “iFom 4” – ifom leyo efumaneka xa umntu eyicela kwiSekela leGosa leNgcombolo okanye kwiwebsayithi yeSebe ethi www.justice.gov.za/paia/paia.htm;
- Makangenise iFom B kwiGosa leNgcombolo ngokuyithulmela nge-imeyile ethi DocMashabane@justice.gov.za nethi paia@justice.gov.za okanye ngeposi kwidilesi yeGosa leNgcombolo;
- iSekela leNgcosa leNgcombolo liza kukunceda kuyo yonke imigudu yokufaka isibheni.

2. Ukukhalaza kwiGosa leNgcombolo

- Kufakwa isikhalazo ngokuzalisa ifom enguFom 5 uze uyithumele kwiQumrhu Elilawula iNgcombolo; liya kuthi ke
- iQumrhu Elilawula iNgcombolo likuncedise kuyo yonke imigudu yokufaka isikhalazo.

kungenjalo

3. Isicelo esibhekiswa enkundleni.

- Isicelo masifakwe zingekapheli iintsuku ezili-180 senziwe isigqibo nguMphathiswa okanye liQumrhu Elilawula iNgcombolo;
- Zonke iinkundla zeeMantyi zinalo igunya lokuphulaphuula isicelo sePAIA; kwaye
- uMabhalane weNkundla uza kukuncedisa kuyo yonke imigudu yokufaka isicelo enkundleni.

ICANDELO 9 – IIREKHODI EZIFUMANEKA NGOKUZENZEKELAYO

Ngokwesiqendu 15(2) uMphathiswa upapashe kuShicilelo-Mithetho isihlokomiso seerekhodi ezifumaneka ngokuzenzekelayo.

- Njengoko kuboniswe ngentla (kwiCandelo 6, isiqendu 3) ziirekhodi ezicelwa kwezi meko zilandelayo:
- akukho mfuneko yokuba umceli azalise ifom enguFom 2 nokuba ahlawule umrhumo wokucela oli-R100;
 - iirekhodi zisengafumaneka simahla ukuba zihlolwe, ngomrhumo oqingqiweyo okanye njengeekopi; nalapho
 - kwenziwa iikopi (nokuba zikwimo enjani), kufuneka umrhumo omiselweyo – iSekele leGosa leNgcombolo liza kukwazisa ukuba uyafuneka kusini na umrhumo.

UKUCHAZWA KODIDI LWEEREKHODI EZIFUMANEKA NGOKUZENZEKELAYO NGOKWESIQUENDU 15(1)(a) LE-PAIA	INDLELA YOKUFUMANA IIREKHODI (umz kwiwebsayithi)(ISIQENDU 15(1)(a))
NGENJONGO YOKUYIHLOLA NGOKWESIQUENDU 15(1)(a)(i) <u>AKUKHO</u>	
NGENJONGO YOKUYITHENGA NGOKWESIQUENDU 15(1)(a)(ii) <u>AKUKHO</u>	
EFUMANEKA SIMAHLA NGOKWECANDELO 15(1)(a)(iii)	
Malunga nathi <ul style="list-style-type: none"> - Ingcombolo emalunga nesebe - Ukusingathwa kobulungisa - Amasebe namacandelo - Incwadana yePAIA Ubuncwane <ul style="list-style-type: none"> - Umbono wethu nenjongo yethu - Icebo leSebe <ul style="list-style-type: none"> • Isicwangciso esichuliweyo 	Le ngcombolo iyafumaneka kwiwebsayithi yeSebe ethi www.justice.gov.za

- Isicwangciso sokufeziweyo ngonyaka
- Umgaqo-sisekwana wenkonzo
- Izaziso zokusebenza
- lifom
- amaxwebhu
- oolindexesha
- imigaqo-nkqubo
- amanqaku ashicilelweyo
- iinkonzo
- amaphulo

Amalungelo oluntu

- uMgaqo-siseko
- uMqulu wamaLungelo
- Umthetho oyilwayo wolwaphulo-mthetho lwentiyo nentetho yentiyo
- limbopheleleko zamazwe ngamazwe
- lingxaki zabeLGBTI
 - Imibuzo edla ngokubuzwa
- Isicwangciso SezweLonke Samanyathelo
- iTRC
- iUniversal Declaration of Human Rights
- Isibhengezo Ngokubulawa Kwabesini Ngabesinye Isini Nokubulawa Kwamalungo oSapho
 - Isicwangciso Sokwenzakaliswa Kwabesini Ngabesinye Isini Nokubulawa Kwamalungo oSapho
 - Ingxelo Ngenkomfa KaMongameli Nxamnye Nokwenzakaliswa Kwabesini Ngabesinye Isini
 - Iintetho Ezimalunga Nokwenzakaliswa Kwabesini Ngabesinye Isini

Umthetho wolwaphulo-mthetho

- Ubulungisa obulingene abantwana
- Ukubethwa ekhayeni
- Ukucinywa kwerekhodi yakho yokwaphula umthetho
- Izenzo zokona zesondo / ukubulawa kwamalungu osapho
 - Amanqaku namaxwebhu
 - Uludwe lweenkundla
 - Isicwangciso sokukhuseleka
- Imithetho yepalamente nemimiselo
- lifom zeNRSO
 - Imibuzo ebuzwa qho
 - lifom eziyiNRSO
- Ukukhuselwa ekwenziweni intlondi
- Ubulungisa bembuyiselo
- Umgaqo-sisekwana wamaxhoba aseMzantsi-Afrika
- Ukuthengisa ngabantu
- Amangqina

uMthetho wamatyala embambano

- uMgcini-mafa weNkundla Ephakamileyo
 - Amafa ashiywe ngabangasekhoyo
 - Ukudla ilifa elishiywe ngomyolelo obhaliweyo nelingenamyolelo
 - Uvimba Wamafa Angenabanini
 - Ukusingathwa kwempahla yokuphathiswa
 - Ubuncwane
 - Imicimbi yabavakaliswe yinkundla njengabangakwaziyo ukuhlawul amatyala

- Abamiselwe yinkundla ukuba basingathe imicimbi yabanye
- lifom
- Imiyalelo evela kuMgcini-mafa oyiNtloko

- Imibuzo ebuzwa qho
- I-ICMS Master Web Portal
- uMgcini-mafa: ukuqhagamshelana naye
- uMgcini-mafa: amafa
- uMgcini-mafa: ICMS Web Portal
- uMgcini-mafa: Ukuthengiswa kwempahla yeshishini elitshonileyo
- uMgcini-mafa: Impahla yokuphathiswa nemiyolelo yamafa ukulamla
 - Amaqhagamshela akhawulezayo
- iNkundla Yamabango Amancinane
 - Amaqhagamshela akhawulezayo
- iNkundla Yokulingana
 - Uqhagamshelwano olukhawulezileyo
- Amanani abonisa ukunikwa kwamagqwetha umsebenzi wokumela urhulumente ematyaleni

Umthetho wezomzi

- uMthetho Wabantwana
- Imitshayo yesintu
- Uqhawulo-mtshato
- IGqwetha Lezomzi
- uVimba Wamafa Angenabanini
- Isondlo
- Abantu abakhulileyo
- ISivumelwano SaseHague
- Abantu abazizisulu

Imithetho yepalamente

- uMgaqo-siseko noMqulu wamaLungelo
- Uxwebhu oluchaza ngeMithetho nangemithetho eyilwayo
- Izihlokomiso kuShicilelo-Mithetho
- Ukumenyelwa ukuvakalisa izimvo
- Umthetho oyilwayo wolwaphulo-mthetho lwentiyo nentetho yentiyo
- limbopheleleko ezingokomthetho zamazwe ngamazwe
- iPAIA nePAJA
 - incwadana yePAIA
 - amaqhagamshela akhawulezayo
- IBhodi yemiGaqo
 - Amaqhagamshela akhawulezayo
- Imiyalelo ngendlela yokusebenza kwamagqwetha ezinkundleni
- iKomishoni Yokwenza Inguqu Kwimithetho Yeli Lizwe
- Abacebisi BakaRhulumente Ngomthetho
 - Amaqhagamshela akhawulezayo
- Amanani abonisa ukunikwa kwamagqwetha umsebenzi wokumela urhulumente ematyaleni
- Iikomishoni nabachopheli-matyala abakhethekileyo

Iinkundla

- Iinkundla eMzantsi-Afrika neejaji neemantyi
- iNkundla yoMgaqo-siseko
- iNkundla Ephakamileyo Yezibheni
- Iinkunda Zabasebenzi Namabango oMhlaba
- Izigqibo zeeNkundla Eziphakamileyo
- IiNkundla Zokulingana
- IiNkundla Zamabango Amancinane

<ul style="list-style-type: none"> - Uqhagamshelwano - uMqulu WamaGqwetha Asezijajini - Inkcazelo ngeeNkundla zeeMantyi - Izithili zeeMantyi <p>lifom</p> <ul style="list-style-type: none"> - Ezimalunga nabantwana <ul style="list-style-type: none"> • lifom ezimalunga noMthetho Wabantwana - iGosa Elifungisayo - Ukubethwa ekhayeni - Ukucinywa kwerekhodi yamatyala okwaphula umthetho - Ukwenziwa intlondi - Isondlo - uMgcini-mafa - Ukulamla - iNRSO - iPAIA - Amaxhoba eTRC - iNkundla Yamabango Amancinane - Ukubhaliswa kwabaniki-nkonzo - Ukuthengisa abantu - linkundla Zokulingana <p>Ukubhida neethenda</p> <ul style="list-style-type: none"> - ukunikwa / ukufumana / ukupapashwa - Ukulawulwa kwezigaba zonikezelwano - Ukubhaliswa kwabaniki-nkonzo <p>Igumbi leendaba</p> <ul style="list-style-type: none"> - Ukwaziswa kwamajelo eendaba - lintetho - Iziganeko - Izicatshulwa zevidiyo nezesandi - Itshaneli yeSebe yeYoutube - lingxoxo kunomathotholo - Imibuzo neempendulo ePalamente - linkomfa neentlanganiso zokuncazelana ulwazi <p>Imisebenzi/Izithuba</p> <ul style="list-style-type: none"> - I-Z83 (iFom Yesicelo Somsebenzi) - Imisebenzi efanekisa kwisebe lobulungisa - Izithuba ezitsha <p>Isikhokelo sendlela yokufumana iinkonzo / <u>Ndenze njani?</u></p>	
---	--

XA UFUNA UKUKOPISHA NGOKWESIQUENDU 15(1)(a)(ii)

<p>lirekhodi ezidweliswe ngentla zinokufunyanwa ngokuthumela isicelo esibhaliweyo ngeposi okanye nge-imeyile kule dilesi:</p> <p>Idilesi: Isekela leGosa leNgcombolo Department of Justice & Constitutional Development Private Bag x81 Pretoria 0001</p> <p>I-imeyile: paia@justice.gov.za</p>	<p>Uza kuhlawula imirhumo edweliswe phantsi kweCandelo 10 lale Ncwadana</p>
--	---

ICANDELO 10 – UKUHLAWULWA KWEMIRHUMO

Inombolo yento	Ukuchazwa kwayo	Imali
1.	“Umrhumo wokucela” omawuhlawulwe ngumntu ngamnye ocelayo	R100.00

“Imirhumo yokucela” ekuthethwe ngayo kwisiqendu 22(6) salo Mthetho (ngaphandle kokuba ocelayo ukhululwe ekuhlawuleni ngokwesiqendu 22(8)) imi ngale ndlela:

	Ukuchazwa kwayo	Imali
2.	Ukukopishwa kwephepha eliyi-A4	R1.50 ngephepha ngalinye okanye inxalenye yalo
3.	Ikopi eprintiweyo ebukhulu buyi-A4	R1.50 ngephepha ngalinye okanye inxalenye yalo
4.	Ikopi ikwimo efundeka kwikhompyutha (i) Kwifleshdrayivi (emayivele kocelayo) (ii) ikhompakthidiski <ul style="list-style-type: none"> • xa ivele kocelayo • xa ivela kuthi 	R40.00 R40.00 R60.00
5.	Xa ufuna kukhutshelwe imifanekiso ebonakalayo ngephepha ngalinye eliyi-A4	Siza kucela mntu wumbi asenzele le nkonzo. Kuza kuxhomekeka kwixabiso esiliniwe ngulowo oza kusenzela
6.	Ikopi yemifanekiso ebonakalayo	
7.	Ukukhutshelwa kwerekhodi esisandi, ngephepha ngalinye eliyi-A4	R24.00
8.	Ngekopi nganye yerekhodi esisandi: (iii) ekwifleshdrayivi (mayivele kocelayo) (iv) ekwikhompakthidiski <ul style="list-style-type: none"> • xa ivele kocelayo • xa ivele kuthi 	R40.00 R40.00 R60.00
9.	Ukukhangela irekhodi nokuyilungisa iyeyokudandalaziswa ngeyure nganye okanye inxalenye yeyure, ingabalwa iyure yokuqala, efunekela ukuyikhangela nokuyilungisa Ingaggqithi kwindleko epheleleyo eyi-	R100.00 R300.00
10	Idiphozithi: ukuba ukukhangela kuyadlula kwiiyure ezi-6	Isinye kwisithathu sexabiso ngesicelo ngasinye, elibalwe ngokwenombolo 2 ukuya kwisi-8
11.	Indleko yokuposa, i-imeyile okanye enye indlela yokuthumela eye-elektroniki	Eyona mali ekudlekwe yona, ukuba ikho

UMNTU OKANYE ABANTU ABANGANYANZELEKANGA UKUBA BAHLOWULE IMIRHUMO YOKUFUMANA INGCOMBOLO	
Umntu ongatshatanga ongeniso yakhe yonyaka ingaggqithiyo kwi-	R14,712.00
Abantu abatshatileyo okanye abantu abanamaqabane abangeniso yabo yonyaka ingaggqithiyo kwi-	R27,192.00

ICANDELO 11 – UKUSETYENZWA KWENGCOMBOLO YOBUQU

uMthetho Wokukhuselwa Kwengcombolo Yobuqu 4 ka-2013 (“uMthetho Wengcombolo”)

1. Injongo yokuyisebenza

ISebe liqokelela ingcombolo yobuqu lize liyisebenze ngezi njongo zilandelayo, phakathi kwezinye:

- Ukwenza okufunwa ngumthetho wepalamente;
- Ukwenza okufunwa yimiyalelo yenkundla;
- Ukusebenza izicelo zomsebenzi;
- Ukusebenza izicelo zabaniki-nkonzo;
- Ukusebenza imicimbi emalunga nabaqeshwa.

2. Iindidi zabantu engabo ingcombolo nengcombolo yabo yobuqu

Abantu engabo ingcombolo	Ingcombolo yobuqu (imizekelo)
Abaqeshwa	<ul style="list-style-type: none">Amagama neenkukacha zoqhagamshelwano;linombolo zofanisolindawo akhe waphangela kuzolinkukacha zasebhankini
Abantu abaseza kuqeshwa	<ul style="list-style-type: none">iiCV – kuzo makubekho, phakathi kwezinye izinto:Amagama neenkukacha zoqhagamshelwanoInombolo yofanisolindawo akhe waphangela kuzo umntu
Uluntu	<ul style="list-style-type: none">Amagama neenkukacha zoqhagamshelwanoIdilesi yeposilinombolo zofaniso
Abantu bezivumelwano nabaniki-nkonzo	<ul style="list-style-type: none">Amagama neenkukacha zoqhagamshelwanolinombolo zofanisolinkukacha zenkampani

3. Abantu enokunikwa bona ingcombolo yobuqu

ISebe aliyidluliseli komnye umntu ingcombolo yobuqu ngaphandle kokuba umntu engaye loo ngombolo uyavuma okanye kuvuma umthetho wepalamente.

4. Ukuwelela kwengcombolo ngaphaya kwemida

ISebe aliyidluliseli ingcombolo yobuqu kwelinye ilizwe ngaphandle kokuba kuvuma umntu engaye loo ngombolo okanye kuvuma umthetho wepalamente.

5. Amacebo okhuseleko okuqinisekisa ukugcinwa kwemfihlo, ukuthembeka nokufumaneka kwengcombolo

ISebe linamacebo obuchwephetshe nawentlangano okuthintela ukulahleka kwengcombolo, ukonakaliswa kwayo, okanye ukufunyanwa kwayo okungagunyazwanga okanye ukutshatyalaliswa kwayo.

La macebo aquka:

- Amagumbi okugcinwa kweerekhodi alondolozelwe loo njongo;
- Umpathi weerekhodi onamava namagosa okugcina amaxwebhu;
- Unxibelelwano lweekhomyutha oluphethwe liqela leengcali elizinikeleyo;
- Icandelo lokhuseleko elihlola qho ukufaneleka nokukhuseleka kweendawo zokugcinwa kweerekhodi;
- Ukufundiswa nokubekwa esweni okuqhubekayo kwawo onke amagosa efundiswa kwaye ebekwa esweni nguMphathi-zirekhodi ebandisa ngokuphathwa kweerekhodi

- (f) Ingcombolo efunyenweyo neerekhodi ezenziweyo zaza zaphathwa ngokwemigaqo yokuphathwa kweerekhodi equlunqwe ngumthetho wepalamente osebenza kuloo meko.
- (g) Kukho umgaqo-nkqubo wokuphathwa kweerekhodi nemigaqo ngokuvumelana ne*National Archives and Records Services Act* 43 ka-1996; kunye
- (h) Neqela elizinikeleyo nelinamava lamagosa ekunokucelwa kuwo ukufumana ingcombolo ngokuvumelana nePAIA.

ICANDELO 12 – UKUHLAZIYWA KWENCWADANA NOKUFUMANEKA KWAYO

- Le ncwadana iza kumana ihlaziywa qho ngonyaka;
- Iza kupapashwa ngeelwimi ezilishumi elinanye ezivunyiweyo; kwaye
- Ifumaneka kwiwebsayithi yeSebe ethi www.justice.gov.za/paia/paia.htm naxa uyicela kwiSekela leGosa leNgcombolo okanye kwiNtloko yayo nayiphi na iOfisi yeSebe.